



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilman

Coloniae Agrippinae, 1592

VD16 B 7378

5. De mirabili visione cuiusdam Curmæ Tulliensis.

[urn:nbn:de:hbz:466:1-65002](https://nbn-resolving.de/urn:nbn:de:hbz:466:1-65002)

LIBER VIII.

859

ille desperans: Non est mihi modò tempus vitam mutādi, cùm ipse viderim iudicium meum iam esse completem. Talia dicens sine via-
tico salutis obiit, & corpus eius in ultimis est monasterij locis humatum, neque aliquis pro-
to vel Missas facere, vel Psalmos cantare, vel
falem orare præsumebat. O quām grandi di-
stantia diuisit Dominus lucem & tenebras!
Beatus Protomartyr Stephanus passurus mor-
tem pro veritate, vidit cælos apertos, vidit
gloriam Dei, & IESVM stantem à dextris
Dei. Et ubi erat ipse futurus post mortem, ibi
oculos mētis ante mortem, quō lætior accū-
beret, misit. At contrā, faber ille tenebroſe
mentis & actionis imminentे morte vidit a-
perta tartara, vidit damnationem diaboli, &
sequacium eius. Vedit etiam suum infelix in-
ter tales carcerem, quō miserabilius ipse de-
sperata salute periret, sed viuentibus, qui hæc
cognouissent, causam salutis sua perditione
relinqueret. Factum est hoc nuper in prouin-
cia Bernickerum, ac longè lateq; diffamatum,
multosque ad agendam & non differendam
scelerum suorum pœnitentiam prouocauit.
Quod utinam exhinc etiam nostrarum fiat le-
ctione literarum.

D August. lib. de cura pro mortuis gerenda, ca. 12. De
mirabili visione cuiusdam Curmae Tulliensis.

CAP. V.

Homo quidam Curma nomine, munici-
pij

360 COLLATION. SACRAR.

pij Tuliensis, quod Hipponi proximum est,
curialis pauper, vir illius loci duumviratus
& simpliciter rusticanus, cum ægrotaret ab-
latis sensibus penè mortuus iacuit aliquet die-
bus: tenuissimus flatus in naribus, qui ma-
nu admota utcunque sentiebatur, & exiguum
erat viuentis indicium, illum sepeliri re exani-
mem non sinebat. Nullos artus mouebat, nul-
la sumebat alimenta: nihil oculis, nihil villo
alio sensu corporis qualibet impacta molestia
sentiebatur. Videbat tamen multa velut in som-
nis, que tandem aliquando post dies pluimmo
quasi vigilans, visa narravit. Ac primum mor-
vt aperuit oculos, Eat aliquis, inquit, ad do-
mum Curmae fabri ferrarii, & videat quid ibi
agatur. Quò cùm itum esset, inventus est
mortuus eo momento, quo iste fuerat sensi-
bus redditus, & penè à morte reuixerat. Tunc
intentis qui aderant, illum exhiberi iussum
esse, quando ipse dimissus est, indicabat: se-
que illic vnde redierat, dixit audisse, quod
non Curma curialis, sed Curma faber ferrari-
us ad loca illa mortuorum præceptus fuisse
adduci. In illis ergo visis tanquam insomni-
is, fuit inter eos defunctos, quos videbat pro
meritorum varietate tractari. Agnouit eum
nonnullos, quos nouerat viuos. Ipsos autem
verè mortuos forsitan credidisset, si non in-
ter illa quasi somnia sua, vidisset etiam quos-
dam, qui nunc usque adhuc viuunt, clericos

vide-

LIBER VIII.

361

videlicet aliquos regionis suæ, à quorum ibi presbytero audiuit, apud Hippomen baptizaretur à me, quod factum esse dicebat. Videbat itaque in illa visione presbyterum, clericos, meipsum, nondum scilicet mortuos, in qua postea vidit & mortuos. Cur non etiam illos sicut nos vidisse credatur, utrosque scilicet absentes atque nescientes: ac per hoc non ipsos, sed similitudines eorum, sicut etiam locorum. Nam & fundū vidit, ubi erat ille cuna clericis presbyter, & Hippomen, ubi à me quasi baptizatus est. In quibus locis profectus non erat, quādō illic sibi esse videbatur. Nam quid ibi ageretur eo tempore, nesciebat, quod procul dubio sciret, si verè ibi esset. Visa sunt igitur ista, quæ non præstantur in ipsis rebus ut sunt, sed in quibusdam rerum imaginibus adembrantur. Denique, post multa quæ vidit, eum in paradisum se introductum esse narravit, dictumq; sibi esse cū inde dimitteretur: redditurus ad suos; Vade baptizari, si vis esse in illo loco beatorum. Deinde vrā me baptizare- tur admonitus, iam factum esse respōdit. Cui rursus ille, qui cum illo loquetatur: Vade, inquit, verè baptizare, nam illud in visione vidi- sti. Post ista conualuit, perrexit Hippomen, Pascha iam appropinquabat, dedit nomen inter alios competentes, pariter cum pluimis incognitus nobis: nec ille mihi visionem, nec cuiquam nostrorum indicare curauit. Bapti- zatus

862 COLLATION. SACRAR.

zatus est, peractis diebus sanctis remeauit ad propria. Biennio vel amplius transacto, ego cuncta hæc cognoui. Primo per quendam meum eiusq; amicum in conuiuio meo, dum quædam talia loqueremur. Deinde institi ac feci, ut hæc mihi præsens ipse narraret, attestantibus honestis ciuibus suis, & de mirabili eius regitidine, vt iacuerit penè mortuus per dies plurimos, & de illo alio Curma fabro ferrario, quod commemorai superius, & de his omnibus, quæ cum mihi diceret, etiam tunc ab illo audiuisse recolabant atque firmabant. Quam obrem sicut vidit baptismū suū, & meipsum, & Hippōnem, & b̄ssilicam, & baptisterium, non in rebus ipsis, sed in quibusdam similiudinibus rerum, ita & alios quosdam viuos eisdem nescientibus viuis. Cūr non ergo ha & illos mortuos eisdem nescientibus mortuis? Cūr non istas operationes angelicas credimus per dispensationem prouidentiae Dei beneventis & bonis & malis, secundum inscrutabilem altitudinem iudiciorum suorum, siue instruantur hinc mentes mortalium, siue fallantur: siue consolentur, siue terreantur: sicut vnicuique vel præbenda est misericordia, vel irroganda vindicta, ab illo cui misericordiam & iudicium non inaniter cantat Ecclesia.

Alexander ab Alexandro Genialium dierum lib. 6.
cap. 21. refert sequens miraculum de homine, qui

ex